

CABINET

Dydd Llun, 14 Chwefror 2022

YN BRESENNOL: Y Cyngorydd E. Dole (Cadeirydd)

Y Cynghorwyr:

G. Davies, H.A.L. Evans, L.D. Evans, P.M. Hughes, P. Hughes-Griffiths, D.M. Jenkins
a/ac J. Tremlett

Hefyd yn bresennol:

Y Cynghorwyr: D.M. Cundy a/ac J.S. Edmunds

Yr oedd y swyddogion canlynol yn gwasanaethu yn y cyfarfod:

J. Morgan, Cyfarwyddwr y Gwasanaethau Cymunedau
C. Moore, Cyfarwyddwr Gwasanaethau Corfforaethol
G. Morgans, Cyfarwyddwr Gwasanaethau Addysg a Phlant
L.R. Jones, Pennaeth Gweinyddiaeth a'r Gyfraith
P.R. Thomas, Prif Weithredwr Cynorthwyol (Rheoli Pobl a Pherfformiad)
N. Daniel, Pennaeth Gwasanaethau TGCh; Pennaeth Dros Dro y Gwasanaethau
Cynllunio
A. Williams, Pennaeth y Gwasanaethau Amgylcheddol a Gwastraff;
J. Morgan, Pennaeth Cartrefi a Chymunedau Mwy Diogel
R. Griffiths, Pennaeth Lle a Chynaliadwyedd
D. Hockenhull, Rheolwr y Cyfryngau a Marchnata
I.R. Llewelyn, Rheolwr Blaen-gynllunio
S. Rees, Cyfieithydd Ar Y Pryd
L. Jenkins, Swyddog Cefnogi Bwrdd Gweithredol
J. Owens, Swyddog Gwasanaethau Democrataidd
K. Evans, Swyddog Gwasanaethau Democrataidd Cynorthwyol
K. Thomas, Swyddog Gwasanaethau Democrataidd

Rhith-Gyfarfod - 10.00 - 10.45 yb

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cyngorydd A. Davies a W. Walters (y Prif Weithredwr)

2. DATGANIADAU O FUDDIANNAU PERSONOL

Y Cyngorydd	Rhif y Cofnod	Y Math o Fuddiant
H.A.L. Evans	6 - Cynllun Cyflawni Pum Mlynedd - Adfywio a Datblygu Tai (2022-2025)	Ei chwaer yn Brif Weithredwr Cymdeithas Tai

3. LLOFNODI FEL COFNOD CYWIR COFNODION CYFARFOD Y BWRDD GWEITHREDOL A GYNHALWYD AR Y 31AIN IONAWR 2022

PENDERFYNWYD YN UNFRYDOL lofnodi cofnodion cyfarfod y Cabinet a gynhaliwyd ar 31 Ionawr 2022 yn gofnod cywir.

4. CWESTIYNAU Â RHYBUDD GAN YR AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

5. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau wedi dod i law gan y cyhoedd.

6. ADFYWIO A DATBLYGU TAI - CYNLLUN CYFLAWNI PUM MLYNEDD (2022 - 2027)

(NODER: Roedd y Cynghorydd H.A.L. Evans wedi datgan buddiant yn yr eitem hon yn gynharach; ailddatganodd y buddiant hwnnw a gadawodd y cyfarfod tra oedd yr eitem yn cael ei hystyried)

Bu'r Cabinet yn ystyried y Cynllun Cyflawni Adfywio a Datblygu Tai a oedd yn nodi cynlluniau'r Awdurdod i helpu i adeiladu dros 2,000 o dai ychwanegol ar draws y Sir yn ystod y pum mlynedd nesaf. Pe bai'n cael ei fabwysiadu, byddai'r Cynllun yn adeiladu ar lwyddiant y cynlluniau darparu tai fforddiadwy presennol, yn cefnogi twf economaidd drwy fuddsoddi dros £300m mewn cymunedau ac yn cefnogi'n uniongyrchol y camau gweithredu yn y Cynllun Adfer Economaidd, gan gefnogi busnes, pobl a lleoedd.

PENDERFYNWYD YN UNFRYDOL ARGYMELL I'R CYNGOR:-

- 7.1 Cadarnhau y bydd y Cynllun Cyflawni - Adfywio a Datblygu Tai yn helpu i ddarparu dros 2,000 o dai i'w rhentu a'u gwerthu yn y Sir dros y pum mlynedd nesaf, gan ddiwallu anghenion tai, ysgogi adferiad a thwf economaidd, a chefnogi Egwyddorion Carbon Sero-net y Cyngor;**
- 7.2 Cytuno bod yr awdurdod i gaffael tir ac adeiladau nad ydynt yn eiddo i'r Cyngor a nodwyd yn y Cynllun Cyflawni - Adfywio a Datblygu Tai, ynghyd ag unrhyw dir a/neu adeiladau eraill a fyddai'n ychwanegu gwerth at flaenoriaethau a dyheadau'r Cyngor o ran Tai ac Adfywio, yn cael ei ddirprwyo i'r Pennaeth Adfywio, mewn ymgynghoriad â'r Tîm Strategol Tai ac Adfywio;**
- 7.3 Cytuno y byddai'r Cynllun yn chwarae rhan allweddol o ran cynyddu'r cyflenwad o dai rhent cymdeithasol yn ein cymunedau, gan gynnwys tai sy'n addas ar gyfer:**
 - **Cartrefi anghenion cyffredinol;**
 - **Llety arbenigol â chymorth i bobl ag anghenion cymhleth a;**
 - **Llety hyblyg y gellir ei addasu'n hawdd i bobl hŷn.**
- 7.4 Cadarnhau y bydd datblygiadau deiliadaeth gymysg, sy'n cynnwys tai ar gyfer rhent cymdeithasol, perchentyaeth cost isel a gwerthu ar y farchnad agored yn cael eu cefnogi trwy'r cynllun cyflawni hwn, gan greu cymunedau cytbwys, cryf a gwydn;**
- 7.5 Cytuno y byddai'r Cynllun yn cynnwys darparu atebion o ran**

tai deiliadaeth gymysg hyblyg, arloesol newydd sy'n diwallu anghenion poblogaeth sy'n heneiddio;

7.6 Cytuno y byddai'r Cynllun yn cefnogi'r gwaith o gyflwyno safleoedd adfywio strategol y Cyngor trwy ddarparu mwy o dai i'w rhentu a'u gwerthu, gan gynnwys:

- Adfywio Canol Trefi;
- Trefi a phentrefi gwledig;
- Pentref Gwyddor Bywyd Pentre Awel a;
- Tyisha.

7.7 Cadarnhau y byddai'r tai a gefnogir trwy'r cynllun yn cael eu darparu gan ddefnyddio ystod o dduiliau cyflawni sy'n cynnig hyblygrwydd, graddfa a chyflymder;

7.8 Cytuno y byddai'r gwaith o ddarparu tai ledled y sir yn y cynllun yn dilyn yr ardaloedd gweithredu tai fforddiadwy, gan adeiladu wardiau yn y Sir yn ardaloedd nodedig, sy'n cysylltu'n ddaeryddol ac yn ddiwylliannol.

7. CYNLLUN RHEOLI ANSAWDD YR AMGYLCHEDD LLEOL 2022 - 2026.

Bu'r Cabinet yn ystyried adroddiad ar Gynllun Rheoli Ansawdd yr Amgylchedd Lleol 2022-2026, gan gynnwys y cynllun gweithredu, a oedd yn manylu ar gyfeiriad rheoli sbwriel y Cyngor yn y sir am y pedair blynedd nesaf. Roedd yn dangos sut y byddai sbwriel yn cael ei reoli a thrwy hynny gyfrannu at Strategaeth Gorfforaethol y Cyngor, gan roi pwyslais arbennig ar Amcan Llesiant 10 – Amgylchedd Iach a Diogel; gofalu am yr amgylchedd ar hyn o bryd ac i'r dyfodol.

PENDERFYNWYD YN UNFRYDOL gymeradwyo Cynllun Rheoli Ansawdd yr Amgylchedd Lleol 2022-2026 ar gyfer Sir Gaerfyrddin, gan gynnwys Cynllun Gweithredu Ansawdd yr Amgylchedd Lleol.

8. STRATEGAETH DDIGIDOL AR GYFER YSGOLION A STRATEGAETH TECHNOLEG DDIGIDOL 2022-2025

Bu'r Cabinet yn ystyried y fersiwn wedi'i diwygio a'i diweddarau o Strategaeth Ddigidol ar gyfer Ysgolion a Strategaeth Technoleg Ddigidol 2022-2025. Roedd y strategaethau yn nodi blaenoriaethau strategol y Cyngor i ategu'r gwaith o ddarparu dysgu digidol dros y 3 blynedd nesaf, ynghyd â chyfeiriad y technolegau digidol a fyddai'n cael eu haddasu gan y Cyngor i ategu'r holl wasanaethau digidol a gwireddu ei weledigaeth o fod yn "Sir Gaerfyrddin sydd wedi'i galluogi'n ddigidol".

PENDERFYNWYD YN UNFRYDOL gymeradwyo Strategaeth Ddigidol ar gyfer Ysgolion a Strategaeth Technoleg Ddigidol 2022-2025.

9. CYNLLUN DATBLYGU LLEOL DIWYGIEDIG SIR GAERFYRDDIN Y CAMAU NESAF A CHYTUNDEB CYFLAWNI DIWYGIEDIG

Bu'r Cabinet yn ystyried adroddiad diweddarau ynghylch cynnydd y Cynllun Datblygu Lleol (CDLI) Diwygiedig ac, yn arbennig, effaith cyfres o ffactorau, materion a chanllawiau ar gynnydd a/neu gynnwys y Cynllun yn y dyfodol. Wrth fanylu ar y meysydd hynny, cynigiodd yr adroddiad gyfres o gamau nesaf a gofynnodd am gymeradwyo'r argymhellion i baratoi CDLI Adneuo Diwygiedig

pellach i fynd i'r afael â'r goblygiadau sy'n deillio o'r materion a nodwyd a'u lliniaru a sicrhau ei fod yn cydymffurfio'n weithdrefnol ac yn 'gadarn' gan alluogi ei fabwysiadu.

Cyfeiriodd y Cabinet at ganllawiau Cyfoeth Naturiol Cymru ar effaith amgylcheddol ffosffadau mewn cyrsiau dŵr ar gyfer y 9 Ardal Cadwraeth Arbennig afonol yng Nghymru, a'r materion arwyddocaol yr oedd hynny'n eu codi o ran cyflawni datblygiad a chynnydd Cynlluniau Datblygu Lleol y mae'r canllawiau ffosffad yn effeithio arnynt gan atal yr ymgynghoriad a'r Cynllun rhag gwneud unrhyw ddatblygiad pellach. Croesawodd y Cabinet sefydlu Bwrdd Rheoli Maetholion Afon Tywi i fynd i'r afael â ffosffadau a pharatoi Cynllun Rheoli Maetholion.

Cyfeiriwyd hefyd at gynllun carbon sero-net y Cyngor erbyn 2030 gan nodi bod y Cyngor wedi arwain y gwaith o ddatblygu carboniadur drafft i'w ddefnyddio ledled Cymru.

PENDERFYNWYD YN UNFRYDOL ARGYMELL I'R CYNGOR:

- 9.1 Rhoi awdurdod dirprwyedig i swyddogion ddiwygio amserlen y Cytundeb Cyflawni Diwygiedig a chytuno ar ei gynnwys gyda Llywodraeth Cymru;**
- 9.2 Ystyried cynnwys yr adroddiad a chymeradwyo'r angen i baratoi ail Gynllun Datblygu Lleol Diwygiedig Adneuo cyfunol a dogfennau cysylltiedig;**
- 9.3 Rhoi awdurdod dirprwyedig i Gyfarwyddwr yr Amgylchedd ar y cyd â'r Aelod Cabinet dros Gynllunio sefydlu Bwrdd Rheoli Maetholion Afon Tywi, datblygu ei gylch gwaith a pharatoi Cynllun Rheoli Maetholion;**
- 9.4 Ar y cyd â chyrff cyhoeddus allweddol eraill, ymuno â'r bwrdd aelodaeth ar gyfer Bwrdd Rheoli Maetholion Afon Teifi, Afon Cleddau ac Afon Gwy.**

10. UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG BENDERFYNU EI YSTYRIED YN FATER BRYD YN UNOL AG ADRAN 100B(4)(B) O DDEDDF LLYWODRAETH LEOL, 1972.

Dywedodd y Cadeirydd nad oedd unrhyw eitemau eraill o fater brys.

CADEIRYDD

DYDDIAD